

玄門甘露玉陽施食科儀

啟經讚

天垂寶蓋重重現 地湧金蓮朵朵開
幽魂承此花功德 足躡十方九品蓮

皈依讚

天尊身跨 九頭獅子 哮吼聲中破鐵圍
五色蓮花垂 接引幽魂 受度上丹墀歸命
太上皈命禮雲集說法大天尊（三稱）

主白香文

此一瓣香 產自雲巖 採從月窟 藉靈根

之方寸 修妙果之玄元 虔注金爐 誠通

玉几 三清六御至尊上帝 歷代宗師 一

切聖眾

鑒觀凡悃 陟降玄壇

悉仗真香 普同供養、、

香雲蓋說法諸仙真大天尊皈命 稽首皈依

青華大教主 浩劫垂慈救苦尊 紫金瑞相利

人間 尋聲赴感度群迷 大千洒甘露 手

持玉如意 破幽關 度眾生 超諸苦接引

幽魂逍遙生淨土 大千洒甘露 手持玉如

意 破幽關 度眾生 超諸苦接引幽魂道
遙生淨土 大千洒甘露 手持玉如意 破
幽關度眾生 超諸苦接引幽魂道遙生淨土
華池真人 華池真人 加持法水

伏此水 無定形 咒起則靈 在天為雨露
在地為泉源 春泮冬凝 坎流艮止 若在
吾器之中 則乘太上所敕 此水洒天天清
洒地地靈 洒人人長生 洒穢滅形 教有
解穢玄章 謹當持誦

太上老君說常清靜妙經

太上老君曰 大道無形 生育天地 大地無
情 運行日月 大道無名 長養萬物 吾
不知其名 強名曰道 夫 道者有清有濁
有動有靜 天清地濁 天動地靜 男清女
濁 男動女靜 降本流末 而生萬物 清
者濁之源 動者靜之基 人能常清靜 天
地悉皆皈 夫 人神好清 而心擾之 人
心好靜 而慾牽之 常能遣其慾 而心自
靜 澄其心 而神自清 自然六慾不生
三毒消滅 所以不能者 為心未澄 慾未

遣也 能遣之者 內觀其心 心無其心
外觀其形 形無其形 遠觀其物 物無其
物 三者既悟 惟見於空 觀空亦空 空
無所空 所空既無 無無亦無 無無既無
湛然常寂 寂無所寂 慾豈能生 慾既不
生 即是真靜 真常應物 真常得性 常
應常靜 常清靜矣 如此清靜 漸入真道
既入真道 名為得道 雖名得道 實無所
得 為化眾生 名為得道 能悟之者 可
傳聖道

老君曰 上士無爭 下士好爭 上德不德

下德執德 執著之者 不明道德 眾生所
以不得真道者 為有妄心 既有妄心 即
驚其神 既驚其神 即著萬物 既著萬物
即生貪求 既生貪求 即是煩惱 煩惱妄
想 憂苦身心 便遭濁辱 流浪生死 常
沉苦海 永失真道 真常之道 悟者自得
得悟道者 常清靜矣 皈命

太上常清常靜三寶大天尊（三稱）

太乙救苦天尊 金光接引（三稱）

主白三寶文

黃金滿月相 三界獨稱尊

降伏一切魔 諸天皆欽仰

壇場清靜 法界光明 祥光遍佈於虛空

迎請 聖真降來臨 雲擁旌幢離寶座 風

吹仙袂 下瑤階 大眾虔誠 讚揚聖號

志心信禮 大羅爺 元始尊 清微天 混

沌初分天地 立乾坤 森羅淨 靈境 引

天真 無鞅數億 萬仙來聽法 寶珠中

無量道之尊 十方處 震法雷 鳴法鼓

廣演權實教 唵啞吽 大開方便路 眾等

若皈依 能消滅消滅地獄苦

志心信禮 大羅爺 靈寶尊 禹餘天 九

千萬餘梵炁 赤書文 唵啞吽 開明 三

景宮 是天根元 洞曆香林苑 談玉字

演金經慈悲 玉宸尊 鬼神欽 龍天護

道迷標月指 唵啞吽 除熱真甘露 眾等

若皈依 能消滅消滅餓鬼苦

志心信禮 大羅爺 道德尊 大赤天 巍

巍高渺渺劫 重霄上 金闕宮 說法 萬

天中 著道德五 千言玄妙語 遮身度

天人大聖道德尊 鉢降龍錫 解虎

法燈常遍照 唵啞吽 祖印相傳付 眾等

若皈依 三境天消滅諸罪障 消滅諸罪障

奉請三寶 香花迎 花香請 皈命一心奉

請三十三天 紫光殿上 碧玉池中 掌握

混元 清水大聖 白帝茫泓無窮 靈源真

君 惟願不違本誓 憐憫有情 此刻今時

降赴壇場

太上道德天尊 證盟功德

太乙救苦天尊 同垂加護

玉光普照天尊 慈悲攝受

大聖常住三寶 皈命

三寶慈悲 垂加護 皈命 十方諸世界

靈寶生眾神 十王諸司官及諸業道官

惟願大慈悲 降臨於法會 攝受花香燈茶

果樂微分少供養 吽字湧出 花香燈

天母 一面四辟 放大光明 上二手印 持

妙燈茶 下二手印 輪相交 相交吽 唵

唵啞吽 唵 嘛彌叭呢吽彌

訖哩妙果樂

天母供養天尊 願天尊慈悲哀納受 因緣自
性所出生 所有種種微妙 花香燈茶果樂
奉獻上師 三寶尊 惟願慈悲哀納受 戶
唵薩哩幹 怛他阿誒多 布思必度 必啞
嚩吉干的 爾微的捨不答 布拶銘葛 三
謨的 囉斯發囉納三麻啞吽 五供養諸仙
真 聖賢大天尊 眾生迪吉保安寧 奉請
太乙尋聲救天尊

香花迎 花香請

皈命一心奉請 東方青華 長樂淨土 發

宏誓願 拔度眾生 今當奉請

度人無量尋聲赴感太乙救苦天尊 惟願 不

違本誓 憐憫有情 鶴駕鸞輿 駕臨法會

香花迎 花香請

皈命一心奉請 手擎幡蓋 身掛花幔 導
眾生 歸東極天界 引幽魂 赴道場之會
今當奉請

幽冥路上寶幢接引天尊 惟願 不違本誓

憐憫有情 此刻今時 駕臨法會 以此振

鈴伸召請 孤魂聞召 願來臨 仗承三寶
力加持 此夜今時 臨法會
運心平等 法力無邊 恭對寒林前 稱揚
寶號 皈命

元始天尊 靈寶天尊 道德天尊 太乙救苦
天尊 普濟三途五苦 悲聲直上漢雲 霄
路迢迢 召請幽魂來赴會 戶掩閤 浮閣
浮地 慈光普照 劫始劫終 普濟生天
生天 生天 承道寶之妙力 往天宮
風清月白漏聲悲 夜淒淒 召請幽魂 來

赴道場 會戶掩 垂慈垂慈濟 大千甘靈
劫始劫終 普濟生天 生天 生天 承經
寶之妙力 往天宮
今夜道場 法筵開 妙玄玄 召請幽魂來
赴道場 會戶掩 逍遙逍遙上 碧落蓮台
劫始劫終 普濟生天 生天 生天 承師
寶之妙力 往天宮

太上部部帝哩 伽哩哆哩 怛哆峨哆耶三遍

（善子 有情 孤魂）聞 召聞召遠

來臨法會 一心召請

金鳥似箭不回 玉兔如梭忽逝
想骨肉以分離 觀音容而何在

聞今初熱清香 初伸召請○○○幽魂

惟願承三寶力加持 仗錫密言 此刻今時
來臨法會 一心召請

遠觀山景有色 近聽流水無聲
春去花開猶在 人來鳥鳴不驚

聞今再熱清香 再伸召請○○○幽魂

惟願承三寶力 仗錫密言 此刻今時
來臨法會 一心召請

浮生如夢虛影 幻眼匪堅易空

不憑聖賢慈心 曷遂超生淨土

聞今再熱清香 三伸召請○○○幽魂

惟願承三寶力 仗秘密言 此刻今時
來臨法會 一心召請

法界六道十類孤魂 面然所統 薜荔多眾
塵沙種類 依草附木 魑魅魍魎 滯魄孤

魂 自他先亡 家親眷屬等眾 來受無遮

甘露法食 惟願承此良宵 甘露法食

一心召請

上來召到諸鬼神等 至心合掌 俯伏低頭
勿得語笑誼譁 切忌麤心膽大 威儀齊整
動止安庠 為汝善子 有情孤魂 重重懺
悔 既是今日 有緣有分 施食座前 無
黨無偏 舉眼直下承當 更莫疑心 錯過
歸依道 永不退道心 授經咒 而齊成正
覺 清涼境內 必可各上蓮池 長樂淨土
自此同登彼岸 將當召請 悉願來臨 眾
等虔誠 今當讚詠
稽首救苦尊 妙道真身 在東極妙嚴宮

運廣慈心重 發弘 誓願度脫樊籠 慈尊
寶號 九品蓮花玉玲瓏 尋聲赴感 三災
八難 杻械枷鎖 化作清涼風 散珍寶
普濟貧窮 楊枝手內時時洒 洒滴 甘靈
潤在幽魂咽喉中 惟願今宵 降臨法會
接引幽魂 上往天宮
修設齊筵 今夜普門開 湧現朱陵 常開
方便 願誦經 宣揚秘密功德 力拔濟孤
魂 來受甘靈味

江河湖海 男女乘舡隻 遇風遭浪 死在

江河內 潢水漂流 潭泉池井底 落水孤
魂 來受甘露味

南北經商 貪財爭名利 積玉推金 生涯
遂稱意 大限臨頭 父子難相會 客亡孤
魂 來受甘露味

枉死城中 颯颯悲風起 鬼門關前 叫苦
聲動地 有主無依 十類孤魂鬼 眾等今
宵 來受甘露味

八寒八熱 泥犁阿鼻獄 杻械枷鎖 嚴刑
多苦具 鮮血淋身 虎咬悲慘悽 此等孤

魂 來受甘露味

饑火煙炎 歷劫燒身體 因地慳貪 果報
多此類 腹如滄海 喉似金鋒細 此夜今
時 來受甘露味

象馬駝驢 鱗甲羽毛類 屠割剝裂 生死
無邊際 互食互償 自受誰人替 此等孤
魂 來受甘露味

王侯將相 九流並百藝 逐日貪瞋 彼此
諍閑氣 一旦無常 受苦無人替 此夜今
時 來受甘露味

瞋心布施 墮在修羅類 雖與天同 惡心
嫉妬熾 與天相諍 受苦無窮際 此等孤
魂 來受甘露味

二十八天 受樂無比對 未悟真常 同居
三界內 壽盡天年 還入輪迴趣 此等孤

魂 來受甘露味

甘露門開 薦拔孤魂輩 祖禰先亡 五姓
冤家類 八難三塗 平等俱超濟 聖賢光
明 來受甘露味

我今攝召 眾魂聽懺悔 三寶法言 天符

玉皇敕 解脫雙冤 消滅無邊罪 超度幽魂

來受甘露味

救苦天尊 廣發慈悲願 奈河浪裏 造下舡
一隻 親見眾生 苦海無邊際 托度忘魂
早得生方去

聖號宣揚 圓滿今宵夜 追薦幽魂 已得
生天去 逍遙快樂 功德不思議 歸去來
兮 同赴青華會

法事科儀 節次宣揚給 符疏幢旛 駝馬
俱成備 茶果冥財 法食并漿水 給付孤

魂 承此生天去 皈命 青玄海會

十方救苦尊大天尊（三稱）

豐都咒

茫茫豐都中 重重金剛山 靈寶無量光
洞照炎地煩 九幽諸罪魂 身隨香魂旛
定慧青蓮花 上生身永安 功德金色光
微微開幽囚 華池流真香 蓮蓋隨浮雲
千靈洞元和 常居十二樓 急宣靈寶旨
自在天堂遊 皈命

豐都大帝開通冥路大天尊（三稱）

一柱道德香

一柱道德香 同登三境路 天尊大慈悲
宣揚秘密語 普度眾孤魂 脫離三途苦
三途苦 最苦是孤魂 孤魂真最苦 百年
幻化 夢中尋 一息不來 歸何處 歸何
處 黃泉黑壤 路渺茫 春秋祭祀 誰為
主 誰為主 今宵召汝來 召汝餐甘露
今宵召汝來 召汝來餐甘露

玉陽施食諸咒儀（以下各三遍）

天尊設方便 拔度諸幽魂 鐵圍一時破

究竟令清淨

破地獄咒

唵 吽叱唎現光明攝

普召請咒

唵 俱奢嚧祈容嚧吽攝

解冤結咒

吽悶唵 唎吽嘑脫冤魂攝

皈命度人無量靈寶天尊

皈依常住 無上道

皈依常住 太上經

皈依常住 玄上師

皈依尋聲救苦大天尊 皈依太極內煉葛天尊

皈依西河救苦薩天尊 皈依慈悲度厄大天尊

皈依道 皈依經 皈依師 皈依道 得正覺

皈依經得正法 皈依師得正行

皈依道竟 皈依經竟 皈依師竟

（善子 有情 孤魂）所造諸罪孽

皆由無始貪瞋癡 從心語意之所生

一切（善子 有情 孤魂）皆懺悔

眾生無邊誓願度 煩惱無盡誓願斷

法門無上誓願學 大道無上誓願成
自性眾生誓願度 自性煩惱誓願斷
自性法門誓願學 自性大道誓願成

解冤咒

眾生多結冤 冤深難解結 一日結成冤
三世報不歇 我今傳妙法 解除諸冤業
聞誦志心聽 冤家自散滅

開嚔喉咒

唵 哩元唏呼叱唏囁嘩耶

甘露水咒

悲夫長夜魂 熱惱三途中 猛火出咽喉
常生饑渴念 一灑甘露漿 如熱得清涼
神魂生大羅 潤及於一切 二灑甘露雨
五臟悉合張 咽喉久冷散 得達悟真常
三灑慈悲水 濯體煉真光 營魂歸太上
朝謁禮虛皇

甘露法食咒

涼冷甘露滋 法味難思議 齋香流七真
冥冥何所疑 受此法食者 生天登紫微
福田高巍巍 供食令清淨 一切有為事

普皆成代命 拔汝三塗苦 施汝九玄慶
臨當受食時 諸天皆讚詠 寒庭多悲苦
回首禮元皇 女青靈寶符 中山真帝書
一念昇太清 再念歸虛無 功德九幽下
旋旋生紫微

沐浴度魂咒

巍巍道德尊 功德已圓齊 降身來接引
師寶自提攜 慈悲洒法水 用以洗沉迷
永度三清岸 長辭五濁泥

五廚經

一炁和太和 得一道皆泰 和乃無一和
玄理洞玄際 不以意思意 亦不求無思
意而無有意 是法如是持 莫將心緣心
還莫自絕緣 心在莫存心 真則守真淵
守理志離志 積修不符離 志而不修志
已業無已知 諸食炁結炁 非諸久定結
氣歸諸本氣 隨處當隨洩

八大仙尊

皈命無量度人元始天尊
皈命無量度人靈寶天尊

皈命無量度人道德天尊

皈命太乙尋聲救苦天尊

皈命太極內煉葛天尊

皈命西河救苦薩天尊

皈命十方救苦真人

皈命救苦童子

神咒加持（淨法食 法食施 甘露水）

普濟河沙眾（善子 有情 孤魂）

願皆飽滿拾慳貪 速脫幽冥生淨土

皈依三寶發慈悲 究竟得成無上道

功德無邊盡皈來

一切（善子 有情 孤魂）同法食

一切（善子 有情 孤魂）眾 吾今施汝供

此食遍（十方 清涼 河沙）

一切（善子 有情 孤魂）眾 飢渴來消除

食之宴瑤池 今將供幽魂 功德不思議

三光化食咒

浩精生法炁 氤氳凝天中 兩曜共澄徹

五緯相交通 三光煥已明 寶炁凝三宮

帝鄉會九老 咽服百骸豐 金華照光景

身與日月同 念道上聖前 萬劫壽無窮

普供養咒

唵 嚩 木 囉 唎 嚩 嚩 囉 吽

元始天尊說生天得道真經

爾時

元始天尊在大羅天上 玉京山中 為諸天仙
眾 說此生天得道真經 告諸仙曰 吾今
為汝略啟 身心明宣道要 十方得道神仙
皆從此經修行 而通微奧善男子 善女人
依憑齋戒 作是津梁 一切有為 顯諸真

路 體此法相 乃可受持 能屏眾緣 永
除染著 外想不入 內想不出 於正念中
乃得五臟清涼 六腑調泰 三百六十骨節
之中 有諸滯礙十惡之業 一百八十煩惱
之業 眾苦罪源 悉皆除蕩 即引太和真
炁 注潤心田 五臟六腑 心目內觀 真
炁所有 清淨光明 虛白朗耀 杳杳冥冥
內外無事 昏昏默默 正達無為 古今常
存 總持正念 從茲解悟 道力資扶 法
藥相助 仍節飲食 驅遣鬼使 安寂六根

靜照八識 空其五蘊 證妙三元 得道成
真 自然昇度 爾時諸天仙眾 上白

天尊曰 自從無始以來 至於今日 未聞如
是大聖經典 我等緣茲 幸會廣及一切
道果完成 而說偈曰

杳杳冥冥清淨道 昏昏默默太虛中
體相湛然無所住 色心都寂一真空

一片貪嗔癡讚

一片貪嗔癡愛慾 到底翻成苦海浪
大開方便妙法渡 今宵得遇慈航引

常聞妙道時難量 到處莫教空錯過
放下舌根刀 滅卻心頭火

正好時改往修來 便可自省愆悔過
至心皈命道經師 循道直達天堂路
勤作善因緣果報 永不墜入地獄門

南斗輝煌北斗明 常聞窗下讀經聲
幽魂萬里不歸去 辜負洛陽花滿城
萬般眾形帶不去 唯有終生業相隨
苦樂皆由心造起 難逃諸善惡因臨
世人莫往黃泉路 慈尊有應長樂界

青玄寶誥 志心皈命禮

青華長樂界 東極妙嚴宮 七寶芳騫林
九色蓮花座 萬真環拱內 百憶瑞光中
玉清靈寶尊 應化玄元始 浩劫垂慈濟
大千甘露門 妙道真身 紫金瑞相 隨
機赴感 誓願無邊 大聖大慈 大悲大願
十方化號普度 眾生億億劫中
度人無量青玄上帝
尋聲赴感太乙救苦大天尊（三稱）

南昌受煉咒

元始符命 時刻昇遷 北都寒池 部衛形魂
制魔保舉 度品南宮 死魂受煉 仙化成人
生生受度 劫劫長存 隨劫輪轉 與天齊年
永脫三途 五苦八難 超昇仙界 逍遙上清
急急如律令

往生咒

浩渺玄靈 太乙太精 煉度魂魄
洞炁出冥 元焚恢漠 真靈上昇
唵 吽 嘑 飛 昇 嘯

薦祖真言

玄元生化 即定即真 杳杳億劫 混沌之先
生我養我 大德先靈 速承玉旨 受律戒音
毫芒之際 碧落之天 不垢不淨 不滅不生
純陽復祖 速證玉京 急急如律令

生天咒

唵 生天速 生天速 生天速 莎婆訶
皈命生天往生咒 逍遙生淨土大天尊

願書吉祥

願書吉祥夜吉祥 晝夜六時恒吉祥
一切時中吉祥者 願求天官降賜福

願書吉祥夜吉祥 晝夜六時恒吉祥
一切時中吉祥者 願求地官赦罪愆
願書吉祥夜吉祥 晝夜六時恒吉祥

一切時中吉祥者 願求水官解災厄
諸善子等 會也麼休休休 更莫造罪 結

兔讐 釣竿已在閻君手 切莫從前再犯鉤
即今施食 圓滿功德周隆 汝等孤魂善子

向甚麼處 安身立命 唵

願以此功德 普慶于一切
法食薦亡靈 皆證無上道

施食功德殊勝 行無邊勝福皆迴向
普願沉溺諸有情 速往無量天中聖
大道須知玄又玄 濟生度亡力無邊
講經說法開方便 接引幽魂往生天
皈依三寶上來設放 普施平等甘露法食
功德圓滿無限良因 普沾沙界稽首聖眾

三皈依

稽首_ヒ皈依道 道在玉京山 玉京山說法
說法利人天 皈依元始大天尊

稽首_ヒ皈依經 經寶演靈文 靈文書鳳篆

鳳篆廣宣揚 皈依靈寶大天尊

稽首_ヒ皈依師 師心似水清 水清秋月現
月現廣無邊 皈依道德大天尊

太上皈命禮三清道祖大天尊（三稱）